

大慧普覺禪師書卷第二十五

武五

宋徑山能仁禪院住持嗣法某日禪師<sub>良鑑</sub>聞上進

答曾侍郎

天游○附問書

開墳在長沙得園悟老師書稱公晚歲相從所得甚是奇偉念之再三今八年矣常恨未獲親聞緒餘惟切景仰開自幼年發心參禮知識扣問此事弱冠之後即爲婚宦所役用工夫不純因循至今老矣未有所聞常自愧歎然而立志發願實不在淺淺知見之間以爲不悟則已悟則須直到

古人親證處方爲大休歇之地此心雖未嘗一念退屈自覺工夫終未純一可謂志願大而力量小也向者痛懇園悟老師老師示以法語六段其初直示此事後舉雲門趙州放下著須彌山兩則因緣令下鈍工常自舉覺久必有入處老婆心切如此其柰鈍滯太甚今幸私家塵緣都畢閑居無他事政在痛自鞭策以償初志第恨未得親炙教誨耳一生敗闕已一一呈似必能洞照此心望委曲提警日用當如何

做工夫庶幾不涉他途徑與本地相契也  
如此說話敗闊亦不少但方投誠自難隱  
逃良可愍也至扣

承叙及自幼年至仕宦參禮諸大宗匠中間  
爲科舉婚宦所役又爲惡覺惡習所勝未能  
純一做工夫以此爲大罪又能痛念無常世  
間種種虛幻無一可樂專心欲究此一段大  
事因緣甚愜病僧意然旣爲士人仰祿爲生  
科舉婚宦世間所不能免者亦非公之罪也  
以小罪而生大怖懼非無始曠大劫來承事

真善知識熏習般若種智之深焉能如此而  
公所謂大罪者聖賢亦不能免但知虛幻非  
究竟法能回心此箇門中以般若智水滌除  
垢染之穢清淨自居從脚下去一刀兩段更  
不起相續心足矣不必思前念後也旣曰虛  
幻則作時亦幻受時亦幻知覺時亦幻迷倒  
或五時亦幻過去現在未來皆悉是幻今日知非  
則以幻藥復治幻病病瘥藥除依前只是舊  
時人若別有人有法則是邪魔外道見解也  
公深思之但如此崖將去時時於靜勝中切

不得忘了須彌山放下著兩則語但從脚下  
著實做將去已過者不須怖畏亦不必思量  
思量怖畏即障道矣但於諸佛前發大誓願  
願此心堅固永不退失仗諸佛加被遇善知  
識一言之下頓云生死悟證無上正等菩提  
續佛慧命以報諸佛莫大之恩若如此則久  
久無有不悟之理不見善財童子從文殊發  
心漸次南行過一百一十城參五十三善知  
識末後於彌勒一彈指頃頓亡前來諸善知  
識所得法門復依彌勒教思欲奉觀文殊於

是文殊遙伸右手過一百一十由旬按善財  
頂曰善哉善哉善男子若離信根心劣憂悔  
功行不具退失精勤於一善根心生住著於  
少功德便以為足不能善巧發起行願不為  
善知識之所攝護乃至不能了知如是法性  
如是理趣如是法門如是所行如是境界若  
三五周徧知若種種知若盡源底若解了若趣入  
若解說若分別若證知若獲得皆悉不能文  
殊如是宣示善財善財於言下成就阿僧祇  
法門具足無量大智光明入普賢門於一念

中悉見三千大千世界微塵數諸善知識悉皆親近恭敬承事受行其教得不忘念智莊嚴藏解脫以至入普賢毛孔刹於一毛孔行一步過不可說不可說佛刹微塵數世界與普賢等諸佛等刹等行等及解脫自在悉皆同等無二無別當恁麼時始能回三毒爲三聚淨戒回六識爲六神道回煩惱爲菩提回無明爲大智如上這一絡索只在當人末後一念真實而已善財於彌勒彈指之間尚能頓云諸善知識所證三昧況無始虛僞惡業

習氣耶若以前所作底罪爲實則現今目前境界皆爲實有乃至官職富貴恩愛悉皆是實既是實則地獄天堂亦實煩惱無明亦實作業者亦實受報者亦實所證底法門亦實若作這般見解則盡未來際更無有人趣佛乘矣三世諸佛諸代祖師種種方便翻爲妄語<sub>大</sub>天承公發書時焚香對諸聖及遙禮菴中而後遣公誠心至切如此相去雖不甚遠未得面言信意信手不覺仍怛如許雖若繁絮亦出誠至之心不敢以一言一字相欺苟欺

公則是自欺耳又記得善財見最寂靜婆羅門得誠語解脫過去現在未來諸佛菩薩於阿耨菩提無已退無現退無當退凡有所求莫不成滿皆由誠至所及也公既與竹椅蒲團爲侶不異善財見最寂靜婆羅門又發雲門書對諸聖遙禮而後遣只要雲門信許此門書對諸聖遙禮而後遣只要雲門信許此四

若種智焉能如是但恐中忘此意爲利根聰明所障以有所得心在前頓放故不能於古人直截徑要處一刀兩段直下休歇此病非獨賢士大夫久參衲子亦然多不肯退步就省力處做工夫只以聰明意識計較思量向外馳求乍聞知識向聰明意識思量計較外示以本分草料多是當面蹉過將謂從上古德有實法與人如趙州放下著雲門須彌山之類是也巖頭曰却物爲上逐物爲下又曰大統綱宗要須識句甚麼是句百不思時喚

又

公處身富貴而不爲富貴所折困非夙植般

作正句亦云居頂亦云得住亦云歷歷亦云惺惺亦云恁麼時將恁麼時等破一切是非纔恁麼便不恁麼是句亦刻非句亦刻如一團火相似觸著便燒有甚麼向傍處令時士大夫多以思量計較爲窟宅聞恁麼說話便道莫落空否喻似舟未翻先自跳下水去此深可憐愍近至江西見呂居仁居仁留心此段因緣甚久亦深有此病渠豈不是聰明宗果嘗問之曰公怕落空能知怕者是空耶是不空耶試道看渠佇思欲計較祇對當時便

武五

五

與一喝至今茫然討巴鼻不著此蓋以求悟證之心在前頓放自作障難非于別事公試如此做工夫日久月深自然築著磕著若欲將心得悟將心得休歇從脚下參到彌勒下生亦不能得悟亦不能得休歇轉加迷悶耳平田和尚曰神光不昧萬古徽猷入此門來莫存知解又古德曰此事不可以有心求不可以無心得不可以語言造不可以寂默通此是第一等入泥入水老婆說話往往參禪人只恁麼念過殊不子細看是甚道理若是

箇有筋骨底聊聞舉著直下將金剛王寶劍  
一截截斷此四路葛藤則生死路頭亦斷凡  
聖路頭亦斷計較思量亦斷得失是非亦斷  
當人脚跟下淨裸裸赤灑灑沒可把豈不快  
哉豈不暢哉不見昔日灌谿和尚初參臨濟  
濟見來便下繩牀幕曾擒住灌谿便云領領  
濟知其已徹即便推出更無言句與之商量  
當恁麼時灌谿如何思量計較祇對得古來  
幸有如此榜樣如今人總不將爲事只爲癡  
心灌谿當初若有一點待悟待證待休歇底

心在前時莫道被擒住便悟便是縛却手脚  
達四天下拴一遭也不能得悟也不能得休  
歇尋常計較安排底是識情隨生死遷流底  
亦是識情怕怖惶惶底亦是識情而今參學  
之人不知是病只管在裏許頭出頭沒教中  
武五 六

所謂隨識而行不隨智以故昧却本地風光  
本來面目若或一時放得下百不思量計較  
忽然失脚蹋著鼻孔即此識情便是真空妙  
智更無別智可得若別有所得別有所證則  
又却不是也如人迷時喚東作西及至悟時

即西便是東無別有東此真空妙智與太虛空齊壽只這太虛空中還有一物礙得他否雖不受一物礙而不妨諸物於空中往來此真空妙智亦然生死凡聖垢染著一點不得雖著不得而不礙生死凡聖於中往來如此信得及見得徹方是箇出生入死得大自在底漢始與趙州放下著雲門須彌山有少分相應若信不及放不下却請擔取一座須彌山到處行腳遇明眼人分明舉似一笑

又

老龐云但願空諸所有切勿實諸所無只了得這兩句一生參學事畢今時有一種剃頭外道自眼不明只管教人死獨地休去歇去若如此休歇到千佛出世也休歇不得轉使心頭迷悶耳又教人隨緣管帶忘情默照武五七來照來照去帶來帶去轉加迷悶無有了期殊失祖師方便錯指示人教人一向虛生浪死更教人是事莫管但只恁麼歇去歇得來情念不生到恁麼時不是冥然無知直是惺惺歷歷這般底更是毒害瞎却人眼不是小事

雲門尋常見此輩不把做人看待彼旣自眼  
不明只管將冊子上語依樣教人這箇作麼  
生教得若信著這般底永劫參不得雲門尋  
常不是不教人坐禪向靜處做工夫此是應  
病與藥實無恁麼指示人處不見黃檗和尚  
云我此禪宗從上相承以來不曾教人求知  
求解只云學道早是接引之辭然道亦不可  
學情存學道却成迷道道無方所名大乘心  
此心不在內外中間實無方所第一不得作  
知解只是說汝而今情量處爲道情量著盡

心無方所此道天眞本無名字只爲世人不  
識迷在情中所以諸佛出來說破此事怨你  
不了權立道名不可守名而生解也前來所  
說瞎眼漢錯指示人皆是認魚目作明珠守  
名而生解者教人管帶此是守目前鑑覺而  
生解者教人硬休去歇去此是守忘懷空寂  
而生解者歇到無覺無知如土木瓦石相似  
當恁麼時不是冥然無知又是錯認方便解  
縛語而生解者教人隨緣照顧莫教惡覺現  
前這箇又是認著髑髏情識而生解者教人

但放曠任其自在莫管生心動念念起念滅  
本無實體若執爲實則生死心生矣這箇又  
是守自然體爲究竟法而生解者如上諸病  
非于學道人事皆由瞎眼宗師錯指示耳公  
既清淨自居存一片真實堅固向道之心莫

武五  
時如何云放下著這裏疑不破只在這裏參  
更不必自生枝葉也若信得雲門及但恁麼  
參別無佛法指似人若信不及一任江北江  
南問王老一狐疑了一狐疑

又

管工夫純一不純一但莫於古人言句上只  
管如疊塔子相似一層了又一層枉用工夫  
無有了期但只存心於一處無有不得底時  
節因緣到來自然築著磕著噴地省去耳不  
起一念還有過也無云須彌山一物不將來

細讀來書乃知四威儀中無時間斷不爲公  
冗所奪於急流中常自猛省殊不放逸道心  
愈久愈堅固深愴鄙懷然世間塵勞如火熾  
然何時是了正在閑中不得忘却竹椅蒲團  
上事平昔留心靜勝處正要閑中用若閑中

不得力却似不曾在靜中做工夫一般承有  
前緣駭雜今受此報之歎獨不敢聞命若動  
此念則障道矣古德云隨流認得性無喜亦  
無憂淨名云譬如高原陸地不生蓮華卑濕  
淤泥乃生此華老胡云真如不守自性隨緣  
或五九  
成就一切事法又云隨緣起感靡不周而常  
處此菩提座豈欺人哉若以靜處爲是閑處  
爲非則是壞世間相而求實相離生滅而求  
寂滅好靜惡閑時正好著力蓦然閑裏撞翻  
靜時消息其力能勝竹椅蒲團上千萬億倍

但相聽決不相誤又承以老龐兩句爲行住  
坐卧之銘箴善不可加若正閑時生厭惡則  
乃是自擾其心耳若動念時只以老龐兩句  
提撕便是熟時一服清涼散也公具決定信  
是大智慧人久做靜中工夫方敢說這般話  
於他人分上則不可若向業識茫茫增上慢  
人前如此說乃是添他惡業擔子禪門種種  
病痛已具前書不識曾子細理會否

又

承諭外息諸緣內心無喘可以入道是方便

門借方便門以入道則可守方便而不捨則爲病誠如來語山野讀之不勝歡喜踊躍之至今諸方漆桶輩只爲守方便而不捨以實法指示人以故瞎人眼不少所以山野作辯邪正說以救之近世魔彊法弱以湛入合湛爲究竟者不可勝數守方便不捨爲宗師者如麻似粟山野近嘗與衲子輩舉此兩段正如來書所說不差一字非左右留心般若中念念不間斷則不能洞曉從上諸聖諸異方便也公已捉著櫬柄矣既得櫬柄在手何慮

不捨方便門而入道耶但只如此做工夫看經教并古人語錄種種差別言句亦只如此做工夫如須彌山放下著狗子無佛性話竹篦子話一口吸盡西江水話庭前柏樹子話亦只如此做工夫更不得別生異解別求道理別作伎倆也公能向急流中時時自如此提掇道業若不成就則佛法無靈驗矣記取記取承夜夢焚香入山僧之室甚從容切不得作夢會須知是真入室不見舍利弗問須菩提夢中說六波羅蜜與覺時同別須菩提

云此義幽深吾不能說此會有彌勒大士汝往彼問咄漏逗不少雪寶云當時若不放過隨後與一劄誰名彌勒誰是彌勒者便見冰消瓦解咄雪寶亦漏逗不少或有人問只如曾待制夜夢入雲門之室且道與覺時同別雲門即向他道誰是入室者誰是為入室者誰是作夢者誰是說夢者誰是不作夢會者誰是真入室者咄亦漏逗不少

又

來書細讀數過足見辦鐵石心立決定志不

肯草草但只如此崖到臘月三十日亦能與閻家老子廝抵更休說豁開頂門眼惺金剛王寶劔坐毗盧頂上也宗杲嘗謂方外道友曰今時學道之士只求速效不知錯了也却謂無事省緣靜坐體究爲空過時光不如看

武五

十一

幾卷經念幾聲佛佛前多禮幾拜懺悔平生所作底罪過要免閻家老子手中鐵棒此是愚人所爲而今道家者流全以妄想心想日精月華吞霞服氣尚能留形住世不被寒暑所逼況回此心此念全在般若中耶先聖明

明有言喻如太末蟲處處皆泊唯不能泊於火燄之上衆生亦爾處處能緣唯不能緣於般若之上苟念念不退初心把自家心識緣世間塵勞底回來抵在般若上雖今生打未徹臨命終時定不爲惡業所牽流落惡道來

須著立決定志與之作頭抵決不兩立此處若入得深彼處不著排遣諸魔外道自然甯伏矣生處放教熟熟處放教生政爲此也日用做工夫處捉著樞柄漸覺省力時便是得力處也

答李參政

漢○問老附

生出頭隨我今生願力定在般若中現成受用此是決定底事無可疑者衆生界中事不著學無始時來習得熟路頭亦熟自然取之左右逢其原須著撥置出世間學般若心無始時來背違乍聞知識說著自然理會不得

邴近扣籌室伏蒙激發蒙滯忽有省入顧惟根識暗鈍平生學解盡落情見一取一捨如衣壤絮行草棘中適自纏繞今一笑頓釋欣幸可量非大宗匠委曲垂慈何以

致此自到城中著衣喫飯抱子弄孫色色  
仍舊既亡拘滯之情亦不作奇特之想其  
餘夙習舊障亦稍輕微臨別叮嚀之語不  
敢忘也重念始得入門而大法未明應機  
接物觸事未能無礙更望有以提誨使卒  
有所至庶無玷於法席矣

武五

十二

示諭自到城中著衣喫飯抱子弄孫色色仍  
舊既亡拘滯之情亦不作奇特之想宿習舊  
障亦稍輕微三復斯語歡喜躍躍此乃學佛  
之驗也儻非過量大人於一笑中百了千當

則不能知吾家果有不傳之妙若不爾者疑  
怒二字法門盡未來際終不能壞使太虛空  
爲雲門口草木瓦石皆放光明助說道理亦  
柰何方信此段因緣不可傳不可學須是  
自證自悟自肯自休方始徹頭公今一笑頓  
云所得夫復何言黃面老子曰不取衆生所  
言說一切有爲虛妄事雖復不依言語道亦  
復不著無言說來書所說既亡拘滯之情亦  
不作奇特之想暗與黃面老子所言契合即  
是說者名爲佛說離是說者即波旬說山野

平昔有大誓願寧以此身代一切衆生受地  
獄苦終不以此口將佛法以爲人情暗一切  
人眼公既到恁麼田地自知此事不從人得  
但且仍舊更不須問大法明未明應機礙不  
礙若作是念則不仍舊矣承過夏後方可復

武五

十三  
出甚憊病僧意若更熱荒馳求不歇則不相  
當也前日見公歡喜之甚以故不敢說破恐  
傷言語今歡喜既定方敢指出此事極不容  
易須生慙愧始得徃徃利根上智者得之不  
費力遂生容易心便不修行多被目前境界

奪將去作主宰不得日久月深迷而不返道  
力不能勝業力魔得其便定爲魔所攝持臨  
命終時亦不得力千萬記取前日之語理則  
頓悟乘悟併銷事則漸除因次第盡行住坐  
卧切不可忘了其餘古人種種差別言句皆  
不可以爲實然亦不可以爲虛久久純熟自  
然默默契自本心矣不必別求殊勝奇特也  
昔水潦和尚於採藤處問馬祖如何是祖師  
西來意祖云近前來向你道水潦纔近前馬  
祖攔曾一踢倒水潦不覺起來拍手呵呵

大笑祖曰汝見箇甚麼道理便笑水潦曰百  
千法門無量妙義今日於一毛頭上盡底識  
得根源去馬祖便不管他雪峯知鼓山緣熟  
一日忽然驀曾擒住曰是甚麼鼓山釋然了  
悟了心便云唯微笑舉手搖曳而已雪峯曰

子作道理耶鼓山復搖手曰和尚何道理之  
有雪峯便休去蒙山道明禪師越盧行者至  
大庾嶺奪衣鉢盧公擲於石上曰此衣表信  
可力爭耶任公將去明舉之不動乃曰我求  
法非爲衣鉢也願行者開示盧公曰不思善

不思惡正當恁麼時那箇是上座本來面目  
明當時大悟通身汗流泣淚作禮曰上來密  
語密意外還更有意旨否盧公曰我今爲汝  
說者即非密意汝若返照自己面目密却在  
汝邊我若說得即不密也以三尊宿三段因  
出五十四

緣較公於一笑中釋然優劣何如請自斷看  
還更別有奇特道理麼若更別有則却似不  
曾釋然也但知作佛莫愁佛不解語言來得  
道之士自己既充足推己之餘應機接物如  
明鏡當臺明珠在掌胡來胡現漢來漢現非

著意也若著意則有實法與人矣公欲大法明應機無滯但且仍舊不必問人久々自點頭矣臨行面稟之語請書於座右此外別無說縱有說於公分上盡成剩語矣葛藤太多姑置是事

又

邴比蒙誨答備悉深旨邴自有驗者三一事無逆順隨緣即應不留胷中二宿習濃厚不加排遣自爾輕微三古人公按舊所茫然時復暫地此非自昧者前書大法未

明之語蓋恐得少爲足當擴而充之豈別求勝解耶淨除現流理則不無敢不銘佩信後益增瞻仰不識日來隨緣放曠如意自在否四威儀中不爲塵勞所勝否寤寐二邊得一如否於仍舊處無走作否於生死心不相續否但盡凡情別無聖解公既一笑豁開正眼消息頓亡得力不得力如人飲水冷煙目知矣然日用之間當依黃面老子所言剗其正性除其助因違其現業此乃了事漢無方便中真方便無修證中真修證無取捨中武五十五

真取捨也古德云皮膚脱落盡唯一真實在  
又如栴檀繁柯脫落盡唯真栴檀在斯達現  
業除助因割正性之極致也公試思之如此  
說話於了事漢分上大似一柄臘月扇子恐  
南地寒暄不常也少不得一笑

### 大慧普覺禪師書卷第二十五

#### 音釋

獨但獨古達切  
但當割切  
駭不純也  
切端其角切  
端昌壳切  
息也  
欄枯虛切  
丙剗音  
其中也

永樂北藏

大慧普覺禪師語錄

第一五六冊